

Paul-ŋum Tuyuutai Philemon-mun

¹ Uvaŋa Paul tigutaanuruana piqutigiplugu Jesus Christ, aasriiŋ Timothy aniqatigikkaqput uvamniittuqtuuq. Aglaktuŋa uumiŋa tuyuutmik Philemon-mun piqqagikkamnun savaqatigikkamnun, ² suli Apphia-munlu piqqagikkaptiknun Archippus-munlu anuyyiuqtauqatiptiknun, ukpiqtuanuruannunlu katisruuruanun tupipnun. ³ Uvvatuq Agaayyutim Aapagikkapta Atanguruamlu Jesus Christ-ŋum iluaqqutiqqaglisi tutqiutiqaqtillusilu.

Philemon-ŋum Piqqaksriŋhalu Ukpiqsriŋhalu

⁴ Quayagiga Agaayyutiga itqaŋiplutin iniqsruqama, ⁵ tusraapluna piqqaksrisilaapnik iluqaitŋik Agaayyutim iŋuiŋik suli ukpiqsrisilaapnik Atanigikkaptiknik Jesus. ⁶ Piqatigiŋiŋqput ilipsitŋi ukpiqsriruanuruani piŋuqtuksrauruq ilitchuŋitlasriŋusri ikayuutipayaanik piŋikkapsitŋik Christ Jesus-mi. ⁷ Aniqatmaan, quviatchaigikma arautiqaqlunalu piqqakkutillaŋku, atakkii ilisimagiga quviatchaiŋiŋ iluqaitŋik Agaayyutim iŋuiŋik.

Paul-ŋum Iniqsruutigaa Onesimus

⁸ Taatnamik inŋigvigillagukkikiŋ sumik piraksrapnik tiliŋhiŋaugaluaqhutin, aniqatigiŋiplutin Christ-mi. ⁹ Uvvasuli Christ-ŋum piqqaksriŋhagun tilisunŋitchikiŋ, aglaan uvaŋa anayuqaaqtuami, isiŋtaupluna piŋigiplugu Jesus Christ

injǵvigisrukkikpiñ. ¹⁰ Tarra injǵsruǵikpiñ pigiplugu Onesimus iǵñigiliutikkaga ukpiqsriliqman Christ-mik qiliqsimaǵamni pituutani. ¹¹ Taimma qaaglaanimña ikayuutaungitchaluaqtuq ilipnun. Aglaan pakma ikayuqtigũqtuq ilipnunlu uvañnunlu. ¹² Utigmun tuyugisraaqsigiga. Akuqtullañniagumagiñ irrusriñigutilugu uvamnik liilaa pipmatun. ¹³ Nayuqtigisrukkaluagiga uvañni illugu. Savautinayaġaaña iniksraġaluapni qiliqsimaǵamni piqutigiplugu tusraayugaagiksuaq. ¹⁴ Aglaan suyumiñaipiaqtuña apiqsrullakkalu-aqnak. Nakuurualiqiñ piyummatigillapiaglugu nunuripkasruñaqnak uvañnun.

¹⁵ Taatnaqhuni aullaummiuraallaguknaǵniqsuq ilipniñ, ilipnun utitlasripluni iñiglugu. ¹⁶ Uvakaniañaglaan savaktaagrũhiñaungiqsuq ilipnun aglaan nakuqsitluktũq savaktaagrũmiñ. Onesimus ukpiqsriaqsikami Christ-mik piqpaknaqsiruq aniqatigiliutipluni uvañnun aglaan pitlukluguunniñ ilipnun, takku Agaayyutim pigiliutipmigaa iliptuntuuq. ¹⁷ Isrummatigigupña piqatnaagipiagluña, paġlayumagiñ utiqpan uvaktun ililugu. ¹⁸ Suli qitkutiksriñiqpan suurapnik taimani qimakami suli niġġiuqsrumaqaqpatin akiilliutiyumagiñ uvam-nun. ¹⁹ Uvva aglaktuña argamnik itna, Uvaña Paul akiliġñiapiagikpiñ. Itqaaqtuutingitchikpiñ qanutun niġġiuqsruutiqaqtilaaqnik uvamnun. ²⁰ Aniqatmaanġ, quyalisallaññaña pisigilugu Ataniq, quviatchaksagluña aniqatigipluña Atanguruakun.

²¹ Aglaktuña uumiña ilipnun nalupqigiñgitlugu

